

INUIT ATAQATIGIIT

INATSISARTUNI



13. maj 2024

UXA2024/89

Aalisarneq pillugu EU-mut isumaqatigiissutip sivitsorneqannginnissaa aammalu EU-mi , OCTA-mut ilaasortajunnaarnermi pitsaaqutissat ajoqutissallu pillugit ,oqallittoqarnissaanik siunnersuut

(Inatsisartunut ilaasortaq, Pele Broberg, Naleraq)

Oqaaeqaat:

Inuit Ataqatigiit isumaqarput nunatut suleqateqarsinnaassagut, ullumi aamma siunissami.

Inuit Ataqatigiit pigisatta nunatsinnit atorluarneqarlunik ineriertuutaanissaat pingaartippalput, aamma aalisarnermi.

1985-imi EU-mik isumaqatigiissuteqarsimanerput taamani aalisarnikkut pissutsinik aallaaveqarpooq. Pissutsillu maanna allangorsimalersut pissutissaqartippaatigut nutaaliqnerunissamut.

Oqallissaaruteqartut paasisinnaavagut niuernikkut EU-mut isumaqatigiissusiorusummata, eqqarsaatit tamakkua mattunnagit periarfissanik eqqartuisinnaasariaqarpugut. Pingaernerpaasuassaarlu nunatta iluaqtissaanik nassaarsinnaassuseqarnissarput.

Inuit Ataqatigiinni qineqqusaarutingaarpalput, imminut pilersornissarput tunngavigalugu nunatsinni aalisarnermi pisassiissutit nunaqqatitsinnut periarfissaqartunut tunniunneqartarnissaat tunngaviussasoq aammalu anguniassavarlugu aalisarnikkut tunngaveqartumik nunarsuup sinneranut aalisakkanik niuernitta aningaasarsiuteqarnittalnu nunanut allanut sanilliullugu pitsaanerpajunissaa. Taamaammat tassunga ingerlassagutta suleqatigisagut tamaasa nalilersorsinnaasariaqarpagut.

Nunanik suleqateqarnermi suleqatikkuminartuunissaq tatsuiginartuunissarlu suliassaajuarput. Maannalu aningaasanut inatsit naapertorlugu toqqaannaq nunatsinnut EU aningaasaliissuteqartarpooq, taamaammat oqarsinnaavugut danskit aningaasaliisussaatitaareersut saniatigut EU aningaasaliisartut annersaasa tulleraat. Aalisarneq pillugu isumaqatigiissut aammalu peqatigiinnissamik isumaqatigiissut/Kalaallit

Nunaat pillugu isumaqatigiissut aqqutigalugit Nunatta Karsia ukioq 2022.mi 392 mio. kr. missaanik pissarsisarpoq, aalisarneq pillugu isumaqatigiissut aqqutigalugu 169 mio. kr.-it, suleqatigiinnissamullu isumaqatigiissut aqqutigalugu 223 mio. kr.-it. Aningaasat taakkua nammineq aalisarnitsigut nunatta karsianut tutssinnaalluarutsigit suleqatigiinnissamut allaanerusumut ikaarsaarsinnaanerput periarfissaavoq. Pisariaqarporli qulakkeernissaat aningaasat, aningaasaqarnerput eqqarsaaatigalugu aningaasajaraanngitsut qanoq taarteqartissinnaaneri qulakkeersimassallugu.

Inissaminiissavorlu siunersuuteqartut matuminnga aperissallugit aningaasat taartissaat qulakkeerniarlugit takorluugaqarnersut, taamaasilluta oqaloqatigiikkut isummanik nutaanik peqartoqarsinnaanera paasinarsissammatt.

Naggataagut oqaatigissallugu pingaaruteqarpoq EU-mik suleqateqarnerput EU-llu nunatsinnut soqutiginninnergut maani aallartitaqarfeqalernera suleqatigeeriaatsimik nutaaliornissamut aqqutaasinnaasutut isigigatsigu. EU nuna suleqatigisarput, siunissami suleqatiginissa pingaaruteqarpoq, ass. Ilinniartitaanikkut, mingutitsinngitsumik ineriarnermut allatigullu EU-miut ilisimasarpssuaqarmata. Taamaammallu aalisarnerup saniatigut suleqatiginissaat Inuit Ataqatigiinnit takorloorsinnaavarput.

Qujanaq.